



Hora 10,55 praeses paulisper disceptationem interruptit ut nuntiaret aliquem Patrem illum rogasse ut Patrum attentionem dirigeret ad art. 33, sectionem primam, *Ordinis Concilii celebrandi*.

Postea ex ordine locuti sunt Petrus Parente, arch. tit. Ptolemaidensis in Thebaide, Paulus Butorac, ep. Ragusinus, Ioseph Frings, arch. Coloniensis, Franciscus Simons, ep. Indorensis, Andreas Charue, ep. Namurcensis, Angelus Temiño Saiz, ep. Auriensis, Ioannes Zoa, arch. Yaundensis, Mauritius Fourchet, ep. S. Flori, Georgius Hakim, ep. Ptolemaidensis, Hyacinthus Argaya Goicoechea, ep. Mindoniensis-Ferrolensis, Iulius Rosales, arch. Caebuanus.

Ultimo secretarius generalis legit suffragationum exitum circa quatuor emendationes prooemii constitutionis *de sacra Liturgia*.

Intimata proxima congregatione, habenda die 19 novembris, repositus est S. Evangelii codex et praeses preces *Angelus... Agimus... recitavit*.

XXII

Congregatio generalis vicesima secunda habita est die 19 novembris, feria II, hora 9 ante meridiem. Interfuerunt 2197 Patres, nempe 67 cardinales, 7 patriarchae, 9 primates, 394 archiepiscopi, 1613 episcopi, 10 abbates nullius, 10 praelati nullius, 87 superiores generales.

Missa de Spiritu Sancto celebrata est ritu romano a P. D. Matthaeo Beovich, arch. Adelaidensi. Chorus Cappellae Sixtinae exsecutus est cantus: *Tu, Trinitatis unitas* (Bartolucci), *O salutaris hostia* (Bartolucci), *Ave verum Corpus*.

Post Missam P. D. Carolus Quintero Arce, ep. Vallipolitanus, S. Evangelii codicem super paratum thronum statuit.

Intimatione facta: *Exeant omnes*, card. Franciscus Spellman, arch. Neo-Eboracensis, munere primi praesidis fungens, preces *Adsumus...* recitavit.

Secretarius generalis, proclamato nomine praesidis congregationis, ex ambone legit nomina Patrum, qui loqui petierant super schema *de fontibus revelationis*.

Continuata est disceptatio de schemate in genere et ad loquendum ex ordine vocati sunt: cardd. Beniaminus de Arriba y Castro, arch. Tarraconensis, Normannus Gilroy, arch. Sydneyensis, Valerianus Gracias, arch. Bombayensis, Albertus Meyer, arch. Chicagiensis, Ioannes Landázuri Ricketts, arch. Limanus, Laureanus Rugambwa, ep. Bokubaensis; Petrus Martin, ep. tit. Selinusiensis, vic. ap. Novae Caledoniae, Aloisius Henriquez Jimenez, ep. tit. Lamdiensis, aux Caracensis, Iacobus



Griffiths, ep. tit. Gazensis, aux. Neo-Eboracensis, Aemilius De Smedt, ep. Brugensis, David De Sousa, ep. Funchalensis, Gabriel Garrone, arch. Tolosanus, Ioseph D'Avack, arch. Camerinensis, Aurelius Del Pino Gómez, ep. Illerdensis, Dionysius Hurley, arch. Durbanianus, Ioseph Ruotolo, ep. Uxentinus et S. Mariae Leucadensis, Alfredus Ancel, ep. tit. Myrinensis, aux. Lugdunensis, Paulus Seitz, ep. Kontumensis.

Facultati loquendi Conradus Mingo, arch. Montis Regalis, renunciavit.

Hora 12,10 reposito S. Evangelii codice, praeses preces *Agimus... Angelus Domini...* recitavit, et secretarius generalis intimavit proximam congregationem generalem die 20 novembris habendam.

XXIII

Congregatio generalis vicesima tertia habita est die 20 novembris, feria III, hora 9 ante meridiem. Interfuerunt 2211 Patres, nempe 65 cardinales, 8 patriarchae, 9 primates, 397 archiepiscopi, 1626 episcopi, 10 abbates nullius, 11 praelati nullius, 85 superiores generales.

Missa de Spiritu Sancto celebrata est ritu romano a P. D. Carolo Humberto Rodríguez Quiròs, arch. S. Ioseph in Costa Rica. Chorus Cappellae Sixtinae executus est cantus: *Confirma hoc Deus, O memoriale mortis Domini, Crux fidelis.*

Post Missam P. D. Ioannes Gahamanyi, ep. Astridaensis, S. Evangelii codicem super paratum thronum statuit, et card. Ioseph Frings precem *Adsumus...* recitavit.

Intimatione facta: *Exeant omnes*, secretarius generalis ex ambone proclamavit nomen praesidis congregationis et annuntiavit prosecutionem disceptationis de principiis generalibus constitutionis dogmaticae *de fontibus revelationis*. Ipse legit Patrum nomina, qui loqui postulaverant.

Ad loquendum ex ordine a praeside vocati sunt Georgius Cabana, arch. Sherbrookensis, Bernardinus Echeverria Ruiz, ep. Ambatensis, Fidelis García Martínez, ep. tit. Sululitanus, Michaël Klepacz, ep. Lodzensis, Henricus Nicodemo, arch. Barenensis.

Hora 10,25 praeses disceptationem interrupit et secretarius generalis ex ambone legit propositionem consilii praesidentiae de opportunitate interrumpendi necne disceptationem schematis *de fontibus revelationis*.

Praeses, card. Frings, subiunxit se ex toto corde ad propositionem accedere. Deinde propositio a subsecretariis in variis linguis (gallica, hi-